

五

典
禮
志
卷
九



八旗通志初集卷之五十八

典禮志九

八旗祀典四 功臣廟祀四

賢良祠

雍正八年七月

諭。國家効忠宣力之臣。勲績茂著。必膺崇報之典。令其世享烝嘗。雍正二年。朕已敕建昭忠寺。自開國以來。致命立功。盡忠報國之儔。皆得春秋妥侑。世世血食。顧念古者大烝之祭。凡法施於民。以勞定國者。皆得



並列祀典。永受明禋。則我朝名臣良弼。其經邦佐治。黼黻昇平者。皆祭法所必登。朕欲為之建立祠宇。久矣。即如怡親王之精白一心。忠誠體國。勲在社稷。澤被生民。其功德隆盛。又豈一切効忠宣力者之可比倫乎。洪惟

太祖

太宗創業垂統。厥有一德佐命之良。

世祖撫綏萬邦。實多奮庸熙載之彥。迨我

聖祖臨御六十餘年。其間良臣碩輔。後先相望。據朕所

深知者。舉其一二。如大學士公圖海。公賴塔。大學士張英。尚書顧八代。馬爾漢。趙申喬。河道總督靳輔。齊蘓勒。總督楊宗仁。巡撫陳瓚等。持躬正直。奉職公忠。或垂節鉞之勲。或勵冰霜之節。俯仰無愧。為朝野所共欽。終始不渝。無瑕疵之可指。似此等靖共爾位。不愧古大臣之風者。正不乏人。既樹羽儀於一世。宜隆俎豆於千秋。且使世世為臣者。觀感奮發。知所慕效。羣以臯夔稷契共相期待。則明良喜起之盛。朕於斯有厚望焉。著於京城內白馬關帝廟之旁。選擇吉地。

特建廟宇。命名賢良祠。春秋以時展祀。其應入祠之員。著內閣會同該部。確查本朝滿漢文武大臣。才德著聞。完名全節者。詳慎開列。具奏請旨。將來繼起之臣。亦併得沾被恩光。永為盛典。特諭。

上諭八旗

右

十一年五月。禮部議覆。據副都統曹煥奏稱。

皇上特降諭旨。令於京城內建立昭忠寺。享祀諸臣。每年春秋遣大臣一員致祭。臣愚仰請嗣後遇春秋致祭之期。凡入寺諸臣之子孫。在京居官。及

有頂帶者。令太常寺行文傳知八旗。并出示曉諭漢人。是日令其分班隨祭。等因。具奏奉

旨所奏。是賢良祠王大臣之後裔。亦當隨班行禮。著該部一併定議具奏。欽此。該臣等議得。崇德酬勲。國家之盛典。勸忠慕義。臣子之至情。今享祀諸臣。既已邀

殊恩於奕世。而其後裔。亦當令其仰瞻廟貌。感戴

皇仁。追思先志於無窮。應如曹煥所奏。嗣後昭忠寺春秋致祭之期。除照例遣大臣一員承祭外。應令

太常寺先期十日預行傳諭。凡入寺滿漢諸臣之子孫。在京居官。及有頂帶人員。俱於祭日齊集寺內。各按品級隨班行禮。至賢良祠建立事宜。今將告竣。欽遵。

諭旨。俟題請入祠之日。即先期知會入祠王大臣之後裔。至期齊集寺內。分班行禮。嗣後凡遇春秋二季。亦應照例先期知會。齊集隨祭可也。奉

旨依議。

諭行旗務奏議

賢良祠八旗文武大臣爵位姓名

前殿設位南面

忠敬誠直勤慎廉明和碩怡賢親王胤祥

後殿享祀大臣。俱按旗分編次。

鑲黃旗共七人。

太傅兼太子太師內秘書院大學士一等精奇

尼哈番謚文肅范文程

太子少傅文淵閣大學士兼禮部尚書世襲二

等阿達哈哈番謚文恪高其位

領侍衛內大臣二等公諡愨敬尹德
禮部尚書加贈太傅諡文端顧八代

靖海將軍靖海侯福建水師提督加贈太子太
傅諡襄壯施琅

河道總督加贈太子太保工部尚書諡文襄靳
輔

江南江西總督贈太子太保諡清端傅臘塔

正黃旗共四人

少保兼太子太保定西將軍內大臣一等公諡

敬康愛星阿

中和殿大學士贈少保兼太子太傅加封一等

忠達公諡文襄圖海

太子太保領侍衛內大臣一等公福善

協理將軍鑲紅旗蒙古都統諡僖恪阿爾納

正白旗共六人

太子少師領侍衛內大臣一等公諡襄壯費揚

古

正白旗滿洲都統追封一等褒績公諡襄毅賴

塔

經筵講官議政大臣吏部尚書加贈太子太傅

馬爾漢

太子少保振武將軍甘肅提督加贈太子太保

諡襄武孫思克

太子太傅河道總督諡勤恪齊蘓勒

太子少傅湖廣總督加贈少保諡清端楊宗仁

正紅旗共三人。

少傅兼太子太傅內國史院大學士諡文毅甯

完我

蒙古副都統一等阿達哈哈番諡襄壯褚庫巴

圖魯

四川陝西總督諡勤襄李國英

鑲白旗共三人。

少師兼太子太師內國史院大學士諡文恪額

色黑

鎮南將軍鑲白旗護軍統領莽依圖

正藍旗漢軍都統馮國相

鑲紅旗共二人。

少保兼太子太保四川陝西總督加贈太保諡
忠毅孟喬芳

西安振武將軍佛尼勒

正藍旗一人。

贈大學士諡文成達海榜式

鑲藍旗共四人。

武英殿大學士兼吏部尚書贈太子太保加贈
少保諡文清阿蘭泰

太子太傅武英殿大學士兼吏部尚書諡文恭
富寧安

定西將軍都統三等侯贈太子太保諡敏壯墨
勒根轄李國翰

鑲藍旗滿洲都統諡襄壯根特
右三十一人。俱南面。

致祭禮儀

一祭日。承祭官在二門外遣官房預備。臨祭時。
鴻臚寺官員。引陪祀王之子孫。在前殿階下兩

旁站立。引陪祀大臣之子孫。在後殿階下兩旁
站立。導引官引承祭官至二門。由中門入。其盥
手。上香。奠帛。爵。讀祝。望燎等儀。承祭官陪祀官
行禮。俱與表獎忠勲祠同。

一祭日。後殿承祭官。在二門外遣官房預備。臨
祭時。導引官引後殿承祭官。預先入二門。由前
殿東邊。行至後殿臺階上行禮處站立。後殿承
祭官。上四壇香帛。執爵官員供獻。不讀祝文。凡
行禮供獻。俱不贊。行禮俱與前殿同。

一陳設供品

素帛五色

羊五

豕五

菓品五

核桃。荔枝。圓眼。
棗。栗。各一盤。

酒三十二尊

祭文

維 年歲次 月 日

皇帝遣

諭祭賢良祠王大臣和碩怡賢親王。大學士公圖海
等之靈曰。功銘鐘鼎。尚書崇元祀之文。德冠巖廊。

周禮著大蒸之典。蓋旗常載績。本臣子之素懷。而
俎豆薦馨。乃朝廷之崇報。爾和碩怡賢親王。望重
親賢。粹鍾川嶽。竭忠誠而體國。著勲德於當年。大
學士公圖海等。或當

列祖開基之日。佐命立功。或際熙朝極盛之時。宣猷贊
化。或驅除暴亂。定疆宇於域中。或震耀聲靈。收版
圖於海外。內則台星卿月。奏亮工熙載之勲。外則
錫鉞授麾。襄阜物安民之治。老成謀國者。進黃髮
之嘉猷。清白持身者。表素絲之高節。純勤盡職。則

夙夜匪躬。密勿承休。則堂廉一德。我

皇考追思前蹟。特煥褒綸。崇廟宇於神京。布几筵而時
祭。蓋以表揚既往。沛酬庸褒德之恩。激勸將來。勵
懷古欽風之志。朕寅承丕緒。嗣舉舊章。撫節物以
懷賢。潔牲牢而致享於戲。名傳史牒。美茂績之長
昭。禮重明禋。緬英靈而如在。奠茲清醑。尚克歆承。

右俱太常寺來冊

以上功臣廟祀

八旗軍禮

出征儀

凱旋儀

會射筵宴

天命三年。

上頒訓習兵法之書於統兵貝勒諸臣。兵法書見藝文志

太祖實錄右

崇德間。

太宗文皇帝

命王貝勒等為大將軍。率諸大臣官兵出師。

駕親臨送。出撫近門謁

堂。子行三跪九叩頭禮。外列八纛。行一跪三叩頭禮。畢。詣演武場。

陞御座。

賜大將軍

勅印。鳴贊官贊跪。大將軍率諸將於階下跪。內院大

臣捧滿洲蒙古漢字三體

勅文。次第宣讀。畢。大將軍陞階。跪受

勅印。轉授隨征文官。降階。行三跪九叩頭禮。鳴贊官

贊退。大將軍復位。

賜茶。畢。大將軍出。

駕送至里許。由

懷遠門

還宮。

順治元年。

世祖章皇帝

命王等為大將軍。領兵出征。是日。鹵簿大駕全設於

午門外。設

御座。張黃幄於

皇極門丹陛上。以頒給主帥

勅印。陳設檐下東旁黃案上。王以下文武各官。俱盛

服齊集。候

駕出。眾皆跪。

世祖章皇帝御門陞座。諸王各官立丹墀下。贊鳴鞭。階

下三鳴鞭。鳴贊官贊排班。進跪。大將軍率出征

官員俱進詣拜位跪。內院大臣捧滿洲蒙古漢

字三體

勅書。次第宣畢。捧

勅印授大將軍。鳴贊官贊王及出征各官。行三跪九

叩頭禮。畢。贊退。王及各官俱退。即起程前行。鳴

鞭

世祖章皇帝還宮。衆跪候
駕過。皆退。

右俱會典

順治十三年三月。定大將軍出征禮。諸王。貝勒。貝子。公。大臣。於出師前一日。將例賞衣服馬匹。弓。韁等物。於午門前頒給。領賞畢。其出征壯大。分得撥什庫等官以上。詣

上前。面諭行師方畧。恩宴。及出師日。出征各官。俱穿鮮明袍服。候於

午門外。是日。

皇上鹵簿全設。其不出征諸王。貝勒。貝子。公。俱朝服。集

太和殿丹陛上。文武各官。俱朝服。集

太和殿丹陛內。分班序立。頒給主帥

勅印。設於

太和殿外東旁。俟

皇上陞殿。主帥詣前。跪領
勅印。畢。出征官聽鳴贊。官贊行三跪九叩頭禮。畢。仍
賜茶遣之。

世祖實錄

右

順治十五年。

命郡王為大將軍。是日。鹵簿大駕全設於

太和殿前。鴻臚寺官設

勅印黃案於檐下東旁。出征王以下。叅領以上。俱征
服。齊集。

午門外。王。貝勒。貝子。公等。俱朝服。齊集。

太和門外。文武各官。俱朝服。齊集。

午門外常朝處。內院官。以大將軍

勅印置

太和殿外黃案上。不出征王。貝勒。貝子。公等。先集。

太和殿前。丹陛上。依次排立。文武各官。進

午門左右掖門。至丹墀內。分翼排立。出征王。貝勒

貝子。公等。於

丹陛上。都統。副都統等。於丹墀內排立。

世祖章皇帝御殿陞座。

午門鳴鐘鼓。作中和樂。一應儀注。皆與前同。

康熙十三年正月。

聖祖仁皇帝命王爲大將軍。率領大兵出征。是日。鹵簿

大駕。照常陳設。出征王及各官。俱征服齊集。

午門外。王以下文武各官。俱蟒袍補服。於常朝處

分翼齊集。內閣大臣。設頒給

勅印於

太和殿外東旁黃案上。鴻臚寺官。引王貝勒貝子

公等。至

太和殿丹陛上排立。文武各官。在丹墀內分翼排

立。次引出征王至

丹陛上。出征各官至丹墀內儀仗末排立。禮部堂

官奏請

御殿作樂。

陞座。樂止。鑾儀衛官贊鳴鞭。階下三鳴鞭。鴻臚寺官贊

跪。出征王及各官皆跪。大學士捧所設黃案上

勅印授王。王跪受。轉授出征內閣官。鳴贊官贊行三

跪九叩頭禮畢。鴻臚寺官引王貝勒貝子公等進。

太和殿內。都統以下。總管以上。在丹陛上。叅領等官。在八旗班首分翼序坐。

賜茶畢。

御中和殿。鹵簿大駕向

堂子排設。出征王及諸王貝勒等。在金水橋。文武各官。在

午門外常朝處。貝子。公。鎮國將軍。都統。尚書等官。

及出征輔國將軍。都統。護軍統領。副都統。在東長安門外。俱分翼排立。禮部堂官奏請恭詣

堂子行禮。王以下各官候

駕至。跪送。出征王及諸王貝勒。都統。尚書等官。出征副都統以上各官。俱隨

駕詣

堂子。上香畢。禮部堂官恭導就位行禮。王貝勒等。及大臣侍衛。俱依次排立。鳴贊官奏跪。叩頭。興。次聖祖仁皇帝行三跪九叩頭禮。興。王等皆隨行禮。興。次

吹螺。於兵部排設纛前。行三跪九叩頭禮。畢。不
駕出。作樂。進東長安門。至

天安門外橋前。鹵簿大駕。向內排立。樂暫止。
駕出西長安門送行。出征王以下。副都統以上。俱佩弓
矢。上馬隨行。至

駐馬處。出征王趨馬疾過。出征王起行畢。

駕還宮。作樂。

午門外齊集各官。候

駕至。跪迎。

駕過皆退。其出征王及各官。行至列兵處。禮部設帳幄。

光祿寺備茶。內大臣。禮兵二部堂官。送茶飲畢。
鴻臚寺官前導。望

闕行謝

恩禮畢。起行。

是年七月。

命王貝勒大臣為大將軍。將軍。領兵出征。一應儀注如
前儀。惟不詣

堂子行禮。不

親送。大將軍等出

午門。遣內大臣出西長安門往送。其送茶禮儀亦與前同。

二十九年。

命和碩裕親王為撫遠大將軍。啓行時。

聖祖仁皇帝御太和門。大學士二員。一捧

勅。一捧印。授王。王跪受畢。

駕出東直門。視諸王起行。

三十五年。

命以領侍衛內大臣安北將軍伯為撫遠大將軍。統西

路大兵出征厄魯特噶爾丹。令先自歸化城乘

驛速赴

京師。至日大

頒宴賚。

聖祖仁皇帝御太和門陞座。內大臣。大學士等列坐兩

旁。其出兵運米大臣官員及前鋒統領。護軍統

領等。按旗分坐於金水橋內之左。綠旗提督。總

兵官等。坐於金水橋內之右。護軍叅領。護軍校。

護軍等亦分左右。按旗坐於橋外。効力官員。烏鎗驍騎火器營兵礮手等。依次坐於午門外。坐畢。樂作。陳百戲。

命大將軍進至

座前。

手賜卮酒。大將軍跪受。退至階。叩首飲。其都統大臣等。

俱依次進前。

手賜卮酒。副都統等亦進前。親近侍衛賜酒。自叅領以下。護軍校以上。皆十人一班。進至階上。跪飲。又

命部院大臣。及侍衛總管等。徧視衆軍士飲。宴畢。賜與宴大臣等。

御用立蟒緞網有差。其官員及護軍等。

賜緞有差。營兵礮手等。俱

賜布畢。大將軍率衆官兵進前謝

恩。同叩首出。遣大學士授大將軍

勅印。令自京復赴歸化城。擇吉起行。

右俱會典

以上出征儀

崇德間。王等凱旋。

太宗文皇帝率王貝勒貝子公等。及文武各官。出城門。十里外迎接。其出征王貝勒貝子公大臣等至。以次排列。設八纛。吹螺。作樂。

太宗文皇帝率眾拜

天。行三跪九叩頭禮。畢。

御黃幄。陞座。出征王貝勒等。跪進獻捷表文。大學士接表。捧至。

御前。跪讀畢。鳴贊官贊行三跪九叩頭禮。

諭。出征王貝勒大臣等。近前行禮。王等以次趨至。

御前。一跪三叩頭。行禮畢。

賜坐。王貝勒近。

御座右坐。貝子公大臣等。及有功兵士。皆序次在右坐。大設筵宴。

親賜出征王及貝勒貝子公大臣等酒。宴畢。謝恩。

躬率凱旋。王貝勒貝子公大臣等。謁

堂。子行三跪九叩頭禮。畢。

駕還宮。衆皆退。

順治八年題准。王等凱旋日。

陞殿行禮畢。頒賞有差。

右俱會典

順治十三年三月。定大將軍班師禮。還

京之日。或王貝勒貝子公遣一員。仍量遣大臣隨

同出城迎接。該部備茶酒。賫往賞賚。到

京次日平明。出征各官。各具鮮明袍服。候於

午門外。

皇上鹵簿全設。其未出征諸王貝勒貝子公。俱朝服。

在

太和殿丹陛上。文武各官。俱朝服。在

太和殿丹墀內。分班序立。候

皇上陞殿。出征官聽鳴贊。官贊行三跪九叩頭禮。

賜宴。其破敵衝鋒。効有勤勞兵丁。序坐各官班後。與

宴。

右

世祖實錄

康熙元年議定。凡大兵凱旋次日。

皇帝陞殿。將軍等行禮畢。免進前行禮。筵宴免桌席。止宰牲。

二十一年。大將軍貝子都統等凱旋。

聖祖仁皇帝親至蘆溝橋迎。是日。鹵簿大駕全設。王等常服。於常朝處齊集。都統。滿大學士。尚書。精奇。尼哈番。副都統。侍郎。阿思哈。尼哈番等官。以上常服。於西長安門內齊集。文武各官朝服。於午門外齊集。禮部堂官奏聞。鳴鐘作樂。王以下文武各官。俱於各齊集處跪。候

駕過。王以下侍郎。阿思哈。尼哈番以上。俱隨

駕行。

駕由西長安門出宣武門。漢大學士。尚書。侍郎等官。預

赴

行宮。具蟒服。候

駕至。跪迎。

駕至蘆溝橋行宮駐驛。司設監設黃幄。

御座。禮部設青幄。工部立下馬紅柱。兵部設八旗護軍

纛。及號螺。次日黎明。禮部堂官奏請

陞輿。王等及大臣侍衛俱齊集。

行宮前。蟒服隨行。

駕至紅柱處。吹螺。鴻臚寺官引凱旋大將軍各官。於紅

柱內跪。漢大學士。尚書。侍郎等官。於紅柱外跪。

侯過。禮部堂官恭導詣纛前立。鴻臚寺官贊排

班。班齊。禮部堂官跪奏排班畢。

聖祖仁皇帝率王以下各官。凱旋大將軍以下各官。拜

天。行三跪九叩頭禮畢。

御黃幄。陞座。停吹螺。鴻臚寺官引王等各官。於各翼幄

下排立。引凱旋大將軍及各官排班。鳴贊。官贊

行三跪九叩頭禮畢。

賜坐。各行一跪一叩頭禮。大將軍及各官。於各翼班首

坐。其有功兵丁。在各官班後坐。

賜茶畢。謝

恩。禮部堂官奏禮畢。

駕出黃幄。吹螺。

駕過。螺止。

駕還宮。樂作。

午門外齊集各官。跪候
駕過。樂止。眾皆退。

三十五年。撫遠大將軍伯大破厄魯特噶爾丹
於昭莫多之地。凱旋後。留駐喀倫。是歲冬。
巡狩至鄂爾多斯。有

旨着大將軍伯自軍中乘驛前來。將至。

皇子往迎。比至。

駕出幔城。大將軍伯趨進。跪請

安。隨扈從於湖灘河所之南。

賜大將軍伯

御佩橐鞬弓矢。復遣還軍。

右俱會典

以上凱旋儀

崇德三年定。八旗文武官員甲兵。春季會射。筵
宴一次。

順治十二年題准。八旗文武官員甲兵。春季會
射。筵宴三次。秋季會射。筵宴三次。
十四年題准。春季會射。筵宴一次。秋季會射。筵

宴一次。

上三旗官員甲兵。會射宴用牲酒。尚膳監備辦。茶。光祿寺備辦。其五旗官員甲兵。會射宴用牲酒。茶。由各該王貝勒貝子八八分公備辦。康熙十年題准。


上三旗官員甲兵。會射筵宴。由光祿寺備辦。十二年題准。

上三旗內大臣侍衛親軍。及八旗官員甲兵。春秋會射。俱由光祿寺備辦筵宴一次。

十三年停止。
右俱會典

以上會射筵宴





書